

cellum Iani Gemini, de quo Procopius: æneus colossus Neronis; Dyrrachij autem Hadriani. Hodie ibidem statuæ ex ære sunt in Capitolio Herculis, duorum iuuenum, Satyri, Lupæ altricis: ænea sepulchra duorum pontificum, Martini V. in monte Cælio, Sixti IIII. in Vaticano, opus Antonij Pullarij Florentini. Regum Anglicorum Vestmonasterij ad Tamesim fluuiū aliquot sepulchra ænea sunt: sed omnium maximum & splendidissimum Henrici VII. Sami in templo Junonis Bathylli statua ænea fuit, cuius in Satyra metrio apud Iuuenalem, & Apuleium in Floridis, qui ait se nihil vidisse ea perfectius. Socratis statua Athenis, item Astydamantis. Fuerunt apud veteres ænea vasa, σκάφια dicta, quæ (ut Martianus ait) horarum ductus, stili in medio fundo siti proceritate, discriminarent. Vasa præterea domestica omnis generis fuisse ænea, & nunc multis in locis esse notum est.